

Uru ngai etikirighi Pol ghe pitielat Pilimon Inangari emuemua

Pol ghe pitila ia oia uru ngai etikirighi nau ghe tokatoka tale ale mata voovoo. Pilimon taita ateva ghe tokatoka eKolosae, me ghe aiesoaala masi kiukiu nau ghe nongola ta Pol, me tale isaa o nau, ia kateva namuu tale ale manga ateva okae. Kateva tau ngai uungu karika ghe tokatoka tale aloannaane, ta tale aloannaane Pilimon, ararina ataeae ta Onesimas, ghe ilou vulila vauna ateva. Ghe soula Pol, me ghe aiesoaala ta Iesu. Pol ghe pitipitila ta Pilimon tani ue va esungiaa oghi Onesimas tani mene oghi lao etana, me ghe kolomila Pilimon tani kkaluua Onesimas me tani mene aikoloainia, arongona ta karika va gheeleiaaira avalua o taumattu ngatoa tale isaa o nau. Emulina tale isaa o voto, katoa la aaiesoaa va Onesimas ghe katevala ta namu ngatoa tale ale manga ateva elpises.

Tani kila amuemua

Aitiutiu tale inangari me nikaili emasina 1-7
Pol ghe kolomila Pilimon tani ghaa oghi Onesimas 8-20

Nimasimasi me airuuruu 21-25

¹ Aghi Pol, tau karavusu ieghi mausi Iesu Karisto, me Timoti kapuita ia.

Apitipiti aatu etam Pilimon, masi kapuimami eteva, me tau ngai uungu eitauua teeiemami

io. ² Me angalu suusuu masimasiaangalua ta kapuingalua vause ateva Apfia me ta Akippus tau ngai uvii eitauaa teeengalua tale masi kiukiu eteva, me ta tau ngaiesoa ngatoa la mae veluvelu eitauaa tanganuem.

³ Alooloo sae va maamasinaane me luei eka-sukasu ta God Tamaita ia me Vau ngepona ateva Iesu Karisto aue etoka teeiem.

Nikaili emasina me nilooloo sae

⁴ Nau etoa aghannainio tale kalughu nilooloo sae, akaakaili emasina ta kapughu Goto ateva,

⁵ poli anongonongo aikaiaam ta Vau ngepona Iesu me ailousiaam ta lo atoa manga ila. ⁶ Alooloo sae va ughele livalivasanaaili tani auliaa ta mene katoa aikaiaam me aue ughele kila amasinaaili isaa akapa masi voto ita ghaagħha ta Karisto.

⁷ Aielousiaam ghe tau mae sio kinatama nimasimasi me eaasarasarakaniegħi poli io, masi kapughu eteva, ugħeelei urunguitaniira lo atoa manga ila tani mene ateatea ngamasina.

Pol għe looloo luei mausi Onesimas

⁸ Liuna avalua o me arongona ta, ta Karisto karika amaamatautu tani ppooa ngasarasarakan sa ateva erooroo tani għelejha,

⁹ me karika, ta akolokolo tauo tale uunguāa niaielousi eteva. Aghi Pol, tau ngaimatoonga iegħi me karavusu iegħi ta Iesu Karisto, ¹⁰ akolokolo tauo mausi natughu ta Onesimas, għe natughuiela nau atokatoka tale ale mata voovoo. ¹¹ Nau too ang għe lao sio, karika

1:2: Kol 4:17; 2 Tim 2:3. **1:7:** 2 Ko 7:4. **1:10:** Kol 4:9; 1 Ko 4:15.

righti uunguaane ta ngetam me isaa oia nau ang ghe uunguaanelan manee etam me etaghi namungaili.*

¹² Ngamene sungisungie aatu etam tee me urunguitanighi eteva. ¹³ Aghe annala va ghe toka teeieghi tani ghaa lium ateva tani sausieghi nau atokatoka tale ale mata voovoo mausi masi kiukiu. ¹⁴ Me karika aghanna tani auliaa voto va ughelei ta saa llo voto ughelei, ughelei tale aloaloannaam, me karika va la sulungio tani ghelei. ¹⁵ Koti aghanna ngavalua toko va Onesimas ghe kasu vuliola tale nau karika aluse, va nau ekiriaa mae etam, aue etoka laalaa liu teeio. ¹⁶ Karika va nongina tau ngai uungu ia karika etokatoka tale aloannaane, ta elaulau tau ngai uungu eteva karika etokatoka tale aloannaane, ia masi kapumaili ia. Masinaaili ia etaghi me maamasinaane etam aue enamungaili va kapum tau ngai uungu ia, me kapumi ia mausi Vau ngepona ateva.

¹⁷ Liuna avalua o me poli utaataraiieghi va kapum ieghi, ughaaia nongina va ughaaghiaieghi. ¹⁸ Arova ghe gheleila righti voto sesa o ghe tam liula voto ghe ghaala, uatoka sae maate ateva etaghi. ¹⁹ Aghi Pol apitipiti isaa oia inangari ta nimaghi va aue aliu isaa o voto. Me karika aghanna tani auliaa va io tee karika ughe liu voto aghe gheleila tale maamauluaam. ²⁰ Aghannaaili, kapughu, va arova aghele ghaa righti nimasi-masi etam ta Vau ngepona tani mene ateatea

* **1:11:** Tale inangari nge Grik, Onesimas malloeana va “ghelei masi niuungu eooroi”. **1:16:** 1 Tim 6:2.

ngamasina tale urunguitanighi eteva ta Karisto.
21 Poli aghaiesoangaili tale nonganongo usilaam, liuna avalua o me apitipiti etam. Akilakila va aue ughelei oroi voto epona tale llo voto aghe kolomiola va ughelei.

22 Me mene kateva voto: uaimonomonosiaa tiulu rum nau aghatu aue atoka etana, poli aghaaiesoaa va aue amae taraiem mausi niliu tale kaluimim nilooloo sae.

23 Epapras angalu kaakaravusu eitauaa ta Iesu Karisto, esuula masimasiaane etam. **24** Me Mak tee me Aristakus, Diimas me Luk ila o lo atoa la uungu teeieghi, la suula masimasiaaira.

25 Alooloo sae va maamasinaane Vau ngepona eteva Iesu Karisto aue etoka tee kapuimim spiriti eteva.

**Mussau-Emira Bible
Portions of the Holy Bible in the Mussau-Emira
Language of Papua New Guinea
Sampela hap Buk Baibel long tokples Mussau-Emira
long Niugini**

copyright © 2006, 2008, 2013, 2016, 2018 Wycliffe Bible Translators, Inc.

Language: Mussau-Emira

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-09

PDF generated using Haiola and XeLaTeX on 11 Nov 2022 from source files dated 30 Nov 2021

9cadc943-c245-5983-a663-5b2655bf0449